

D. J. D.

შიგნების გამოშტემლობა - სდ. არაბიძის და ამშ.

გერონტი გიგოვა

პოლიტიკური წერილები

თბილისი

სამხედრო სამინისტროს სტამბა

1920



გერმანი პირველი

პოლიტიკური წერილები

29698

1. პარლამენტარიზმი თუ საბჭოთა
კონსტიტუცია?
2. აღმოხავლეთი თუ დასავლეთი?
3. ოსმალეთი და საქართველო
4. ადერბეიჯანის რევოლუციის გამო.



ავტორისაგან

ამ წიგნაქს საფუძვლად უქმდს ღდეს ღდეს წინაზედ
ერების სოლიდარობისა. ეროვნულ და კლასობრივ შედ-
ლით გათიშველი კაპიტალისტური ქავებანა უფრო უფრო სკენ
მიუქანება. მხოლოდ რევოლუციას შეუძლია იხსნას ერო-
ვა ზენობრივ და ფიზიკურ გახრწნისაგან. მაგრამ ო-
კორიც არ უნდა იყოს ბურჯუზიული დასავლეთის ბუ-
დი, ჩვენ გვიწამს, რომ საქართველო და მისი მეზო-
ბლები შეინარჩუნებენ ადამიანობის უმაღლეს ღდეალებს,
და ენტუზიაზმით გამსჭალებული შრომა ხელახლა გაა-
ციცოლებს მიძინებულ კულტურას, რომელიც მონგოლუ-
ბის შემოსევამდე ჰყვაოდა დამასკეს, ბადღადსა, სამარენ-
დსა და თბილისში.

თბილისი

7 მაისი, 1920.

პარლამენტიარიზმი თუ საბჭოთა კონსტიტუცია?

ყველა ხმები ჯერ კიდევ დათვლილი არ არის, მაგრამ უეპელია რომ აფხაზეთმა საერთოდ დიდი გულგრილობა გამოიჩინა დამფუძნებელ კრების დამატებით არჩევნებში. შეიძლება მართალი იყოს „ბორბის“ ფელეტონისტი, რომელიც ამ მოვლენას უაში დღის კოკისპირული წვიმითა და აფხაზთა სეპარატისტული ინტელიგენციის აგიტაციით ხსნის. მაგრამ ეს აბსენტეიზმი რაღაც განკერძოებული და არაჩვეულებრივი მოვლენა არ არის ჩვენს პოლიტიკურს ცხოვრებაში. პირიქით, რაც დრო გადის მით უფრო კლებულობს ხალხის ინტერესი პოლიტიკურ არჩევნებისადმი და იყო შემთხვევები, რომ სათემო ერთეულების მოწყობა შეუძლებელი გახდა კარგი დარებისა და ლოიალიზმის მიუხედავად. თვით საქართველო ამ მხრივ არ წარმოადგენს გამონაკლისს. ვინც ყურადღება მიაქცია უკანასკნელ დროის საპარლამენტო არჩევნებს საფრანგეთსა, იტალიასა, პუნგრეთსა და რუმინიაში, შეამჩნევდა, რომ აბსენტეიზმი არაჩვეულებრივად ძლიერი იყო ამ სახელმწიფოებში.

ზოგიერს ი ევროპიელი პუბლიცისტი ამ მოვლენას პარლამენტარიზმის დაცემით ხსნის.. ჩვენში

პარლამენტარიზმის დაცემაზე ლაპარაკი ზედმეტია, მიტომ რომ არავითარი პარლამენტარიზმი არ არსებობს და არც შეიძლება არსებობდეს. ეს ნათლათ დაგვანახვა ორი წლის გამოცდილებამ. თანამედროვე პარლამენტი ძველი დროის საკანონმდებლო დაწესებულებისაგან განსხვავდება არა მარტო იმით, რომ ის წარმომადგენლობითი ორგანოა, არამედ იმითაც რომ ის კლასობრივ თანამშრომლობის პრინციპზეა აგებული. პოლიტიკურ ინტერესთა და იდეათა შეჯახება თუ შეთანხმება თვით პარლამენტის კედლებში ხდება და არა მის გარეშე, როგორც ეს მაგალითად რომში ხდებოდა, სადაც პლების თავისი საკუთარი საკანონმდებლო ორგანო ჰქონდა (სახალხო კრება) და პატრიციატს თავისი (სენატი). იქ ამ ორი დაწესებულების შესათანხმებლად განსაკუთრებული უფლებამოსილი პირები იყვნენ საჭირო და როცა ეს შეთანხმება არ ხერხდებოდა, სისხლის მღერელი სამოქალაქო ომი იმართებოდა. თანამედროვე პარლამენტი, რასაკვირველია, არც სპობს და არც ანელებს კლასობრივ ბრძოლას, მაგრამ ის დებატებისა და კენჭის ყრით სწყვეტს იმ საკითხებს, რომელთაც რესპუბლიკის დროის რომაელები ხშირად იარაღით სწყვეტდნენ.

საპარლამენტო ბრძოლა და შეთანხმება შესაძლებელია მხოლოდ იმ შემთხვევაში თუ არსებობს

რამოდენიმე პოლიტიკური პარტია, რომელიც ერთ-
მანეთში პრინციპებით და ინტერესთა შევნებით გან-
სხვავდება. მარტო დოქტრინა არ ჰქმნის პოლიტი-
კურ პარტიას. ეს ნათლად დაამტკიცა თანამედროვე
რუსეთმა, საღაც ერთი და იმავე დოქტრინის მაღია-
რებელი მოღვაწეები სულ სხვა და სხვა ბანაკებში
მოხვდნენ და პირიქით ერთსა და იმედებ ბანაკში სხვა
და სხვა დოქტრინის ხალხმა მოიყარა თავი. სამ დად
თანამედროვე ტიპიურ პარტიიდან კონსერვატორები
მემამულე არისტოკრატიის ინტერესთა შევნებით
ხელმძღვანელობენ, ლიბერალები ბურჟუაზიის, ხო-
ლო სოციალისტები მუშათა კლასის. აქედან ცხადია,
რომ საპარლამენტო პარტიული დანაწილება მაჩვე-
ნებელია კლასობრივ დანაწილებისა, რომელიც თანა-
მედროვე ევროპიულ საზოგადოებას ახასიათებს და
სადაც კლასობრივი საზოგადოება არ არსებობს, იქ
არ შეიძლება არც ნამდვილი საპარლამენტო ცხოვ-
რება არსებობდეს.

წარმოადგენს თუ არა ქართველი ერი კლასობ-
რივ საზოგადოებას, ამ სიტყვას ევროპიული მნიშნ-
ველობით? ჩვენ გვგონია, რომ არა. კლასობრივ
სხვადასხვაობას ჰქმნის არა შეძლების შეტნაკლე-
ბობა, არამედ დამოკიდებულება ზედმეტ ღირებულე-
ბის წარმოებისა და მითვისების პროცესთან. თანა-
მედროვე მემამულე და ბურჟუა ნიშნავს არა უბრა-
ლო მდიდარს, არამედ მიწისა და საწარმოვო ძალე-

ბის პატრონს და ზედმეტ ღირებულების მიმთვისებელს, თანამედროვე პროლეტარი ნიშნავს არა უბრალო ლატაკს, არამედ ზედმეტ ღირებულების შემქმნელს. უკანასკნელი აგრარულ რეფორმის შემდეგ, რომელმაც შრომის ნორმა შეჰქმნა, ჩვენ აღარ ვვყავს მემამულე არისტოკრატია; ჩვენ არც ბურჟუაზია ვვყავს, თუმცა ბოლო დროს ბლომად გაჩნდნენ ფულიანი სპეცულანტები: მაგრამ მათ არ ვააჩნიათ საწარმოვარ ძალები, ეროვნულ მეურნეობაში არავითარ როლს არ ასრულებენ და ეკონომიკურ თვალსაზრისით ნამდვილ პარაზიტებს წარმოადგენენ.

აქედან ცხადია, თუ რად არის ჩვენი დამფუძნებელი კრების მუშაობა ასე ერთფეროვანი: იქ სხელან სხვა და სხვა პოლიტიკურ დოქტრინის მაღიარებელნი, მაგრამ იქ არ არიან სხვა და სხვა საზოგადოებრივ კლასის წარმომადგენელნი. ერთად ერთი პარტია, რომელიც თავიდანვე შეეცადა განსაკუთრებულ კლასის ნიადაგზე დამდგარიყო იყო ე. წ. ნაციონალისტური პარტია, რომლის ლიდერს ერთგვარი სიცხოველე შეჰქმნადა საპარლამენტო დებატებში. მაგრამ საზოგადოებრივ საფუძვლის გაქრობაშ ნელ-ნელა ნიადაგი გამოაცალა ბ. ვეშაპელის შეურიგებლობას. მემარცხენე ოპოზიცია ყოველთვის უფრო ლმობიერი იყო. ეს ლმობიერება აიხსნება არა მეთაურების უენერგიობით და უნიჭობით, როგორც ზოგიერთი მათი მოწინააღმდეგე ამტკიცებს, არამედ იმ გარე-

მოებით, რომ სოციალისტ-რევოლუციონერები და ფედერალისტები არსებითად იმავე საზოგადოებრივ ელემენტებს ეყრდნობიან, რომელსაც მთავრობის პარტია, მხოლოდ სოციალისტ-რევოლუციონერებს ცოტაოდენი პროვინციული ელფერი გადაჰქონავს.

უკელა ეგრედ წოდებული დიდი საპარლამენტო დღეები გარეშე მაყურებელზე აღმართ ხელთოველათა ომის შთაბეჭდილებას ახდენს. მაყურებელი ინსტიქტიურად გრძნობს, რომ ამ სიტყვიერ ბრძოლის რეალურ ძალთა განწყობილებისთვის არავითარი შნიშვნელობა არ აქვს: მთავრობის პარტია და ოპოზიცია მეტნაკლებად წარმოადგენენ არა განცალკევებულ საზოგადოებრივ წრეებს, არამედ გლეხობას და მუშათა კლასს ე. ი. მთელს თანამედროვე ქართველს ერს; ოპოზიციისთვის მთავრობის კრიტიკა თვითკრიტიკაა, ამ თვითკრიტიკას სოციალდემოკრატიაც აწარმოებს. ამიტომ თითქმის ყველა შეკითხვა პოლიტიკურად სრულიად უშედეგოთ თავდება: ოპოზიციის ორატორი აღნიშნავს მთავრობის ნაკლებ და შეცდომებს, მაგრამ ვერ ამტკიცებს, რომ თვით მას პრინციპიულად განსხვავებული პოლიტიკის წარმოება შეეძლოს; გამოდის მინისტრი და გულაზდილად აღიარებს თუ რაიმე ნაკლებ და შეცდომებს პქონდა ადგილი; დამსწრე საზოგადოება პფიქრობს რომ შეიძლება შემკითხველს უარესი შეცდომები ჩაე-

დინა, მინისტრის ადგილზე რომ ყოფილიყო. ხშირად
ხდება რომ ოპოზიციას შეკითხვა შეაქვს მთავრობის
ხელქვერთ აგენტების ბოროტმოქმედების შესახებ;
კამათში ჩნდება რომ მთავრობას კარგა ხანია კიდევ
ბოროტმოქმედება აღმოუჩენია და ზომებიც მიუღია
მის აღმოსაფხვრელად. ასეთს შემთხვევაში საპარლა-
მენტო დებატები უმანკოგართობის ხასიათს იღებს და
უნაყოფო დროს დაკარგვას წარმოდგენს.

მაგრამ დამფუძნებელ კრების მუშაობის უნა-
ყოფობა სხანს არა მარტო შეკითხვებში, არამედ
საკანონმდებლო მუშაობაშიც. როგორც გასულ
წლის ანგარიშიდან სხანს, დამფუძნებელ კრებას ერთი
წლის განმავლობაში სულ 415 საკანონმდებლო აქ-
ტი მიუღია; მთავრობის ინიციატივით შემოსულა
328 პროექტი, თვით დამფუძნებელ კრების კომი-
სიების ინიციატივით კი 77. ეს არ არის ცოტა,
მაგრამ რაოდენობას დიდი მნიშვნელობა არ აქვს
საპარლამენტო მუშაობის ნაყოფიერებისთვის.

კანონის უბრავლესობა შეეხება კრედიტთა
გახსნას მიმდინარე სახელშრიფთო ხარჯებისთვის ან
კიდევ უკვე გაწეულ ხარჯების უკანა რიცხვით დადას-
ტურებას. ჩვენ ცოტა გვახსოვს ისეთი პროექტი, რომე-
ლშიც ან კომისიის და ან პლენუმს რაიმე არსებითი
ცვლილება შეეტანოს: უმრავლესობა მიღებულ
იქმნა ისე, როგორც მთავრობამ შემოიტანა, ხშირად
კამათიც არ გამართულა. ბოლოს კანონ-პროექტების

დასასტურება უშინაარსო ფორმალობად იქცა, ამ
ფორმალობის დაცვა მხოლოდ ამნელებს და აგვია-
ნებს საჭირო სახელმწიფოებრივ ზომების მიღებას.

ამით, რასაკვირველია, იმის თქმა არ გვინდა,
რომ დამფუძნებელ კრების მოწვევა პოლიტიკური
შეცდომა ყოფილიყოს. დამფუძნებელი კრების მთა-
ვარი დანიშნულება კონსტიტუციის შემუშავებაა და
არა ყოველდღიურ საკანონმდებლო მუშაობის გაწე-
ვა. ხაკონსტიტუციონ მუშაობაში კი ჩვენ დამფუძნე-
ბელ კრების გზით შეგვიძლია მივახწიოთ იმ რე-
ზულტატებს, რომელთაც რუსის ბოლშევიკებმა ოე-
რორით და სამოქალაქო იმით მიაღწიეს. ეს იქნება
ძალთა ეკონომიკა, რასაც ძალიან დიდი მნიშვნელო-
ბა იქვს ჩვენისთანა პატარა ერისთვის.

რაღაც ჩვენი ერის სოციალური შენობა არ
ჰგავს ბურუუაზიული საზოგადოების შენობას, არც
ჩვენი დაწერილი კონსტიტუცია შეიძლება ევრო-
პიულ სახელმწიფოების დაწერილ კონსტიტუციის
ჰგავდეს. დიდი შეცდომა იქნება, თუ კონსტიტუცია
პედანტიურად ევროპიულ სახელმძღვანელოებიდან
გადამოვსწერეთ. ასეთი შეთხული კონსტიტუცია არ
დღესაც ვერ იცოცხლებს. ჩვენი საზოგადოება არის
მშრომელი საზოგადოება, ათხმოცდა ცხრამეტ პრო-
ცენტს გლეხები, მუშები და მშრომელი ინტე-
ლიგენცია შეადგენს. მას შეეფერება სწორედ ის
რესპუბლიკა; რომელსაც სიბჭოთა რესპუბლიკა ჰქვია.

აქ უნდა აღინიშნოს, რომ საბჭოთა იდეა სრულიადაც რუსის ბოლშევიკების გამოგონებას არ წარმოადგენს. პირველი რევოლუციური საბჭოები 1905 წელს რუსის ხალხის სტიქიურმა შემოქმედებამ წარმოშვა. თვით ტროცკი იმ დროს მენტევიკი იყო, როცა პეტროგრადის მუშათა საბჭოს მეთაურობდა. ბოლშევიკები მაშინაც და შემდეგაც დამფუძნებელ კრების იდეას იცავდნენ. მაგრამ უკანასკნელ რევოლუციის დროს ბოლშევიკებმა რეალისტური ინსტიტით ივრჩნეს, რომ დამფუძნებელ კრება მკვდარი დაწესებულება იყო თანამედროვე რუსეთისთვის. რუსის მენტევიკებმა დიდი შეცდომა ჩაიდინეს, რომ ცხოველმყოფელი რევოლუციური იდეა დასთმეს და თავისი პოლიტიკური პრესტიჟი იმ მიცვალებულ დაწესებულებას თან გადააყოლეს. ამაში გამოჩენდა მათი დოქტრინორობა, რაც ყველაზე სახითათო ნაკლია რევოლუციის დროს.

ჩვენ არ უნდა გავიმეოროთ რუსის მენტევიკების შეცდომები. ეს დამღუტველი იქნება არა მარტო ახლანდელ მთავრობისთვის, არამედ მთელი ხალხის-თვის. მკვდარი მწიგნობრული სიბრძნით არ შეიძლება ცხოველმყოფელი იდეების დამარცხება. ეს დაამტკიცა რუსეთის სამოქალაქო ომის შედეგებმა, სადაც ბოლშევიკებმა უფრო იდეებით გაიმარჯვეს, ვიდრე ხიშტებით.

მართალია საბჭოთა კონსტიტუცია მუშათა და

გლეხეაცთა დროებითს დიქტატურას ჰეულისხმობს, მაგრამ საქართველოში, საღაც მშრომელი ხალხი ერის უდიდეს ნაწილს წარმოადგენს, ასეთი დიქტატურა სრულიად მცირერიცხვან უქმ და უსარგებლო საზოგადოებრივ წრისთვის იქნებოდა საზარალო. ამას გარდა, როგორც ცნობილია, საპკოთა სისტემასთან საყოველთაო შრომის ბეგარაა შეკავშირებული. მხოლოდ მშრომელი არის აღჭურვილი სრული პოლიტიკური უფლებით, მაგრამ მეორე მხრივ, ყოველი მოქალაქე ვალდებულია რაიმე სოციალურად სასარგებლო შრომას მოჰკიდოს ხელი. ასე რომ დიქტატურა შინაგანი ლოგიკით თანდათან ნამდვილი შრომის დემოკრატიაში გადადის. ნელნელა ჰქრება დღევანდელი დამტუპველი გათიშვა ფიზიკურ და გონებრივ შრომისა და გადაგვარებული და ტლანქი კაცობრიობა უახლოვდება იმ იდეალს, რომელსაც პრუდონმა ლოგოსის გამოცხადება უწოდა.

დამტუქნებელ კრებიდან საბჭოთა რესპუბლიკისკენ! აი რა უნდა იყოს დღევანდელი დღის ლოზუნგი.

აღმოსავლეთი თუ დასავლეთი? ლია წერილი სეით დევდარიანისადმი. *)

თქვენ სცდილობთ, სეით, თეორეტიული ინტერესი გააცხოველოთ ჩვენს პრესაში. ეს ცდა მით უფრო დროს შესაფერი და საჭებია, რომ დღეს ახალ სახელმწიფოს შენობას ვაგებთ, არქიტექტურაში კი ყოველთვის საჭიროა ნათელი წარმოდგენის ქონა შენობის ანსამბლზე ე. ი. სტილსა და საერთო გეგმაზე.

მაგრამ რას იტყოდით ხუროთმოძღვრის შესახებ, რომელიც მიგიყვანდათ მიწისძვრის ან სხვა რაიმე სტიქიონის მიერ ნახევრად დანგრეულ სახლთან და გეტყოდათ: — მოღით ეს ხავსიანი და გაბზარული კედლები გადავხუროთ და ვიცხოვროთ ისე როგორც აღრინდელ ბინადრებს უცხოვრიათო? მე მგონია, რომ ცოტა არ იყოს, იჭვის თვალით შეხედავდით ასეთ ხუროთმოძღვარს. თქვენ იფიქრებდით, რომ უფრო საიმედო იქნებოდა, თუ სტიქიონის მიერ დაწყებულ ნგრევას წაკატითა და კეტით დავამთავრებდით და გამოსადევ მასალას სრულიად ახალ შენობისთვის გამოვიყენებდით.

შეიძლება ვინმემ იფიქროს, რომ ეს ნამდვილი ბოლშევიზმია. ეს ხომ ლენინმა სთქვა, რომ აუცი-

*) იხ. მისი წერილი: ორნაირი დიქტატურა „ერთობა“ 6.III.1920 წ.

ლებლად საჭიროა ძველი სახელმწიფოს მანქანის
დამსხერევა. ეს ასეა, მაგრამ ეს არაფერს ამბობს
თვით აზრის სიავკარგის შესახებ. ეს ულირსი ქცევა
იქნებოდა ლენინის საფრთხობელად გადაქცევა, რო-
გორც ულირსია მისი გაღმერთება. ჩვენ არ ვამბობთ,
რომ ქართული სახელმწიფო შენობა სწორეთისე უნდა
აიგოს, როგორც რუსულ სახელმწიფო შენობას
ლენინი და მისი თანამშრომლები აგებენ. ასეთი
არქიტექტურა ულაზათოც იქნებოდა (წაბაძულება
ყოველთვის ულაზათოა) და პრაქტიკულად გამოუ-
სადეგიც. ხუროთმოძღვრებამ ყოველს შემთხვევაში
ანგარიში უნდა გაუწიოს ჰავის, ნიადაგის და ბინა-
დარის მოთხოვნილებას. პაროსისა და კარარის ახ-
ლოს მარმალილოს სახლებს აგებენ, ფინლიანდიაში
გრანიტის ქვისას და ფიჭვის ხისას. წვიმიან ქვეყნე-
ბში უფრო წვეტიანი და დაფერდებული სახურავი
გამოდგება, მშრალ და ცხელ ქვეყნებში კიდევ
ბრტყელი ან ბანისებური. საქართველოში, საღაც
მზის სხივები უხვად ანათებს, გონიერმა არქიტექ-
ტორმა შენობას ჩრდილოვანი კოლონადა უნდა შე-
მოავლოს.

უნდა შევითვისოთ არა მზამზარეული ნიმუშე-
ბი, არამედ შინაგანი აზრი და მეთოდი რევოლუ-
ციისა და ოლორძინებისა. სად უნდა ვეძიოთ ეს რე-
ვოლუციური აზრი? ოქვენ თვითონ ამტკიცებთ,
რომ თანამედროვე დასავლეთ ევროპის ამინდი ხელს

არ უწყობს რევოლუციას, მაგრამ მაინც გვირჩევთ ევროპიული დემოკრატიის მაგალითს წაეპაძოთ და არა რუსეთს. ოქვენ ისტორიულ წარსულში ეძებთ რევოლუციური შთაგონების წყაროებს. ოქვენ ამ-ბობთ, „რომ საბჭოთა, ანუ უკეთ ვსოდეთ ლენინე-ლების დიქტატურა უნდა ჩაბარდეს ისტორიას. პა-რიზის კომუნის მიერ ამართული დროშა უნდა და-გვიდგეს წინ გზის მაჩვენებლად“. მაგრამ რა უპირა-ტესობა აქვს პარიზის კომუნას რუსეთის კომუნის წინაშე. ოქვენ ამტკიცებთ, რომ „პარიზის კომუნა 1871 წელს აირჩიეს საყოველთაო, პირდაპირი, თა-ნასწორი და ფარული კენჭის ყრით... პარიზის კო-მუნა იყო უმრავლესობა უმცირესობის წინააღმდეგ. საბჭოთა მთავრობა უმცირესობაა უმრავლესობის წი-ნააღმდეგ.“ ამ ორს დებულებაში პირველი სწორია, მეორე კი შემცდარი. მართლია პარიზის კომუნა სა-ყოველთაო საარჩევნო სისტემას ეყრდნობოდა, მა-გრამ იმ დროს, როცა პარიზში კომუნა დაწესდა, კონტრევოლუციური ბურჟუაზია თითქმის სავსებით ვერსალში იყო გახიზნული. ამიტომ პარიზის კომუ-ნა არსებითად ისეთივე მუშათა მთავრობა იყო, რო-გორც რუსის კომუნისტების მთავრობაა. მაგრამ პა-რიზის კომუნა ორ თვეში დამარცხდა, რუსეთის სა-ბჭოთა მთავრობამ კი ორწელიწად ნახევარზე მეტი გასძლო. ეს განსხვავება სწორედ იმით აიხსნება, რომ 1871 წელს კომუნისტური იდეა უმცირესო-

ბის იდეათ დარჩა და პარიზის კერძოებს ვერ გასცილდა, დღეს კი კომუნიზმი შეუკავშირდა ჯერ როგორ გლეხობისა და შემდეგ ჩაგრულ ერების ბერის.

საზოგადოთ ახირებული ყოფაქცევა იქნებოდა რომ დამარცხებულთა გზით გვევლო და არა გამარჯვებულთა. ტიერმა და გალიფემ ისე საფუძვლიანათ გაუღეს სისხლი პარიზის პროლეტარიატს, რომ შემდეგ ეს კლასი წელში ვეღარ გასწორებული. თანამედროვე პარიზი აღარ არის რევოლუციის მექა: ის ნამდვილი ბაბილონია, სადაც გაყიდული ქალები, ბირჟის მაკლერები და დეკადენტი მწერლები სინიდისისა და სხეულის სპეცულაციას ეწევიან.

ჩემთვის სრულიად გაუგებარია ო უპირატესობა უნდა ჰქონდეს ქართველისა და რევოლუციონერის თვალში დასავლეთის ორიენტაციის ჩრდილოეთისა და აღმოსავლეთის წინაშე. ჩრდილო-აღმოსავლეთში სწარმოებს არა უბრალო რევოლუცია, არამედ კულტურული განახლება, ბურჟუაზიული ეცრობა დეკადანსის გზაზე სდგას. მართალია რუსეთში სამოქალაქო ომი მძვინვარებს, დასავლეთ ევროპაში კი სამოქალაქო მშვიდობიანობაა, მაგრამ ეს მშვიდობიანობა ძლიერ წააგავს მინელებულ კრატერის მშვიდობიანობას. თუ იქაურმა პროლეტარიატმა თავი ვერ დააღწია იმ დამბლასა და ლეტირვის, რომელმაც მოელი ევროპა მოიცვა, თუ მან რევოლუციური ენერგია, დისციპლინა და შეგნება ვერ გამოიჩინა,

ევროპიული ბურეუაზიული კულტურა დაიღუპება ისევე როგორც ერთს დროს ომის კულტური დაიღუპა. და ახირებული იქნებოდა რომ ჩვენი ახალგაზრდა ჯანსაღი ერიც თან მიგვეყოლებინა. ეს გაუგებარი იქნებოდა როგორც ნაციონალური ისე რევოლუციური თვალსაზრისით.

თქვენ ამბობთ, რომ ბოლშევიკების უდიდესი დანაშაული იმაშია, რომ მათ ძალმომრეობას მიმართეს. მაგრამ განა რევოლუციის მოხდენა ან კულტურის გარდატეხა შეიძლება ძალმომრეობის გარეშე? რუსის კომუნისტების ტერორს გასამართლებელი საფუძველი ჰქონდა ამ წინააღმდეგობაში, რომელიც მათ მთელი ევროპის იმპერიალიზმა გაუწია. როცა ეს წინააღმდეგობა განელდა, საბჭოთა მთავრობამ მოსპო სიკვდილით დასჯა. მაგრამ რა გასამართლებელი საბუთი აქვს იმ აღვირახსნილ თეთრ ტერორს, რომელსაც დღეს გამარჯვებული კონტრრევოლუციური ბურეუაზია აწარმოებს ჰუნგრეთში? ლიბერალურ გერმანულ გაზეთების გადმოცემით ეს არის ნამდვილი ნადირობა უიარაღო მუშებსა, მასწავლებლებსა და პროფესორებზე, ინკვიზიცია პატარა ბავშვებისა, თვით უსულო საგნების წინააღმდეგ: სხვათა შორის ბუდაპეშტის ბიბლიოთეკიდან გამოიტანეს და დაწვეს ასორმოცდაათი ათასი ტომი, რომელიც ერთს მარქსის მკვლევარს შეეწირა. ჭეშმარიტად შეიძლე-

ბა ითქვას, რომ გამარჯვებული რევოლუცია უფრო
ლმობიერია ვიდრე გამარჯვებული რეაქცია.

ჩვენ როგორც პატარა ჩაგრულმა ერმა განხა-
კუთრებული მადლობით უნდა მოვიხსენოთ რუსე-
თის დიდი რევოლუცია. ამ რევოლუციამ მოგვა-
ნიჭა თავისუფლება, რომელიც ერთი საუკუნის წი-
ნათ დავკარგეთ და ეროვნული მთლიანობა, რომე-
ლიც არ გვქონია მეთოთხმეტე საუკუნის შემდეგ.
იმპერიალისტურმა სახელმწიფოებმა მხოლოდ მის
შემდეგ გვიცნეს, როცა წითელმა არმიამ ტაგანრო-
გი და როსტოვი აიღო. და დარწმუნებული უნდა
ვიყოთ რომ სამაჰმადიანო ნაწილსაც იმავე წითელი
არმიის წინსვლა დაგვიძრუნებს.

6. III. 1920.

ოსმალეთი და საქართველო*).

ლონდონის კონფერენციამ გადასწყვიტა კონსტანტინოპოლი ოსმალეთის ბატონობის ქვეშ დასტოვოს. რაღიო-ტელეგრაფმა გადმოგვცა ის ცოტა არ იყოს გულახდილი კომენტარიები, რომელიც აშგადასწერილებისთვის საფრანგეთის საგარეო საქმეთა სამინისტროს გაზეთს „ტანს“ უძღვნიათ „ტანს“ დავუჯერებთ, ინგლისი თავდაპირველად მომხრე ყოფილა ოსმალოების ევროპიდან განდევნისა. საფრანგეთი, პირიქით, ამთავითვე უფრო სათუთად მოპყრობია მაჰმადიანების მერქნობიარობას. ბოლოს ორ მოკავშირეს შორის ერთგვარი მეგობრული შეთანხმება მომხდარა და „ავადმყოფი ადამიანი“ პუმანიური და მედიკური მოსაზრებებით თავისი ხანგრძლივი ავადმყოფობის აღგილას დაუტოვებიათ ძველს ბიზანტიაში.

ასეთია ოფიციალური კომენტარიები, მაგრამ ასეთია თუ არა საქმის ნამდვილი ვითარებაც? ამ საკითხის გარკვევაში ყველაზე მეტად ჩვენ ვართ დაინტერესებულნი, იმიტომ რომ ოსმალეთის ბედი ყველაზე ახლო საქართველოსა და მის მეზობლებს ეხე-

*) პირველად დაიბეჭდა გაზეთ „ერთობა“-ში ცოტაოდენი კუპიურებით; იქ იღებდენ ლია პირვანდელი ტექსტი.

ბა. შეიძლება ჩვენს წარსულში არც ერთს. ისტორიულ მოვლენას არ უთამაშნია ისეთი დიდი როლი, როგორიც ბიზანტიის დამხობამ ითამაშა. მოსალოდნელია რომ მომავალშიაც საქართველოსთვის ოსმალეთის ბედს უდიდესი მნიშვნელობა ექნება.

მართალია „ტანის“ ცნობა, რომ ოსმალეთის საკითხში ანტანტის შეხედულებამ ერთგვარი ევოლუცია განიცადა. მაგრამ, რასაკვირველია, აქ არაფერს შუაშია არც ჰუმანიზმი და არც მედიცინა. იმ ოპერაციების შემდეგ, რომელიც გერმანიასა და ავსტრია-ჰუნგრეთს გაუკეთეს, ოსმალეთის შებრალებას არავინ მოელოდა; მაგრამ „ავაღმყოფი აღამიანი“ ნაკლებ ავაღმყოფი აღმოჩნდა, ვიღრე ეგონათ. ოსმალოს ნაციონალისტებმა გამოიჩინეს წინააღმდევობის ძალა, რომელსაც მათვან პრავინ ელოდა. ანტანტა იძულებული გახდა დათმობის გზას დასდეომოდა. პირველად ეს დათმობა ფარულად სომხების ხარჯზე მოხდა. დიდი სომხეთის იდეა განიწირა. ახლა აშკარად დიდი საბერძნეთის იდეაც იწირება.

მეორე ფაქტორი, რომელიც იმავე მიმართულებით მოქმედობს, ბოლშევიზმის ტერიტორიული და იდეური გაფართოვებაა. როგორც ნოვოჩერკასკისა და როსტოვის აღებამ საქართველოსა და ადგრძელიჯანის ფაქტორი ცნობა დააჩქარა, ისე ნიკოლაევისა და ოდესის აღებამ ანტანტის გული ოსმალებისადმი „გასათუთა“.

იგივე გაზეთი „ტანი“ 19 იანვრის მეთაურში ისევე გულახდილად სწერდა: „საუკუნოების განმავლობაში მოსკოვი და ისლამი ერთი მეორის საწინააღმდეგო ფაქტორებს წარმოადგენდენ აზიაში. მონგოლებმა რუსეთის განვითარება შეაჩერეს. რუსეთმა ოსმალოების დეკანდასი დააჩარა. რუსეთის გაფართოებაშ შეკვეცა პანთურანული პროპაგანდა და აზიელი მუსულმანობის უმრავლესობას დასავლეთ ევროპის სახელმწიფოებისკენ წაუბიძგა. სამაგიეროდ დამოუკიდებელი სპარსეთი რუსეთს ინდოეთის ოკეანეს აშორებდა, დამოუკიდებელი ოსმალეთი კიდევ ხმელთა შუა ზღვას. დღეს ყველაფერი ეს შეიცვალა. დღეს ბოლშევიზმს თავი მოაქვს იმით, რომ ის პანისლამიზმთან ერთად მოქმედობს. აი კავშირი, რომელიც აუცილებლად უნდა გაწყვეტილ იქმნას მომავალ ზაფხულამდე: ის უფრო ადვილად გაწყდება ისლამის დაშოშმინებით, ვიდრე ლენინთან შეთანხმებით“.

გაზეთის მეორე მეთაურში იგივე აზრი კიდევ უფრო გარკვევით იყო გამოთქმული: „ოსმალოს არმია უმნიშვნელო რაოდენობას არ წარმოადგენს. ოსმალური ნაციონალიზმი პოლიტიკურ ძალად იქცა. კლატანტინოპოლი დღეს მთელი დედამიწის მაჰმადიანების გამაერთიანებელი ცენტრია... განაუკეთესი არ იქნება, რომ ეს ოსმალური ნაციონალიზმი მისი არმიით ოსმალეთის ნორმალური ცხო-

ვრების აღსაღენად გამოვიყენოთ? მით უმეტეს, რომ ჩვენ ამ ქვეყნის კრედიტორები ვართ. განა მუსულმანური გრძნობა, რომელიც არსებითად ტრადიციულია, მოკავშირეთ არ გამოვადგება ბოლშევიზმის წინააღმდეგ, რომელიც ყოველი ტრადიციისა და სამშობლოს გრძნობის მტერია?“

ამ ამონაწერიდან ნათლად სჩანს, რომ ანტანტი იმავე „მომაკვდინებელი ცოდვითაა“ შეპყრობილი, რომელიც ჩვენში რატომლაც მხოლოდ ბოლშევიკების კუთვნილებათ მიაჩინათ. ევროპიელი იმპერიალისტები რუსის კომუნისტებს ეჯიბრებიან დოლბანდიანი ადამიანის გულის მოგებაში. ეს სრულიადაც არ არის გასაკვირალი: როგორც ფხიზელი რეალისტები ლლოიდ-ჯორჯი და კერზონი უწინარეს ყოვლისა პოლიტიკურ ფაქტორებს უწევენ ანგარიშს და არა განყენებულ პრინციპებს და ან მით უმეტეს სიმპატიისა და ანტიპატიის გრძნობებს. ისლამი კი დღეს ძალიან დიდს პოლიტიკურს ფაქტორს წარმოადგენს. ამიტომ არც იდეური და არც ემოციური მოსაზრებები ხელს არ შეუშლის ევროპიული იმპერიალიზმისა და აზიური ისლამის „კომპერაციას“ თუ ინტერესთა სფეროებში შეთანხმება მოხდა. მაგრამ სწორედ ეს არის საეჭვო.

მართალია დღევანდელი საგარეო საქმეთა მინისტრი, კერზონი, სწორედ ის პიროვნებაა, რომელიც ინგლისს ყველაზე მეტად გამოადგება ახალი პოლიტიკური

კურსის ხელმძღვანელობაში. კერზონი ყოველთვის იშ აზრის იყო, რომ ინგლისის მსოფლიო ბატონობას უდიდესი საფრთხე რუსეთის მხრივ მოელის. ჯერ კიდევ ინდოეთში ყოფნის დროს მან შეიმუშავა პროგრამა, რომელსაც უკანასკნელმა დიდმა ომმა თითქოს რეალური საფუძველი მისცა. ამ პროგრამის მიხედვით ოსმალეთს წმინდა არაბული პროვინციები (არაბეთი, მესოპოტამია, სირია) უნდა ჩამოეცალოს და სპარსეთთან ერთად დიდი ბრიტანეთის პროტექტორატს დაექვემდებაროს. ამგვარათ შეიქმნება ერთი დიდი მაჰმადიანური იმპერია ქართლან დაწყებული კალკუტამდე, რომელიც უფრო ადვილათ შეასრულებს რუსეთის საწინააღმდეგო ბარიერის როლს ვიდრე სუსტი დამოუკიდებელი სპარსეთი და ოსმალეთი. როგორც ვთქვით, ეს პროგრამა თითქოს განხორციელებულია იმ გამონაკლისით, რომ სარიაჩე თავისი პრეტენზიები განაცხადა საფრანგეთმა, რაც, როგორც ცნობილია, პარიზის კონფერენციის მიერ დაკმაყოფილებულ იქმნა.

მაგრამ ინგლისის იმპერიალისტურ მიზნების მიღწევას წინ გადაეღობა ერთი დიდი ფაქტორი, რომელიც ხელმძღვანელ პოლიტიკოსებს შეიძლება წინასწარ არც კი ჰქონდათ ხეირიანად გათვალისწინებული. აღმოჩნდა, რომ ისლამში სოლიდარობის გრძნობა ბევრად უფრო ძლიერია, ვიდრე ქრისტიანულს კაცობრიობაში და კერძოდ ოსმალეთის სა-

კითხი მთელს მაჰმადიანობას აღელვებს. ორიბულ
პროვინციებს უნდათ განთავისუფლება, მაგრამ სრუ-
ლიადაც არ სურთ არც ინგლის-საფრანგეთის პრო-
ტექტორატი, არც ასსალეთის დამცირება. ეგვიპ-
ტესა და ავღანისტანის ამბებმა, ინდოელ მაჰმადია-
ნების თანაგრძნობამ შთამაგონებელი და გამამხნევე-
ბელი ძალა შთაბერა ასმალოს ნაციონალისტებს,
რომელთა გავლენაც ბოლო დროს უფრო გაიზარ-
და, ვიდრე ეს მათ რიცხვსა და შეიარაღებულს ძა-
ლას შეეფერება.

რა დასკვნა გამომდინარეობს ამ დახლართულ
მოვლენათა ქსელიდან ჩვენი საკუთარი პოლიტიკისთ-
ვის? ზოგიერთ ჩვენ პოლიტიკურ წრეებში გადაჭრბე-
ბული ილუზიებია ანტანტის შესახებ; თუ ამ ილუზიებს
დროზე არ გამოვეთხოვთ, შეიძლება ისეთი მწარე
წუთების განცდა მოვაიხდეს, როგორიც სომხებმა
განიცადეს უკანასკნელ წლის ვანმავლობაში. როგორც
ბალშევიკები ცდილობენ ასმალოები ინგლისის ხარჯ-
ზე დაკმაყოფილონ, ისე ინგლისის მთავრობა ეც-
დება ეს დაკმაყოფილება ყოფილი რუსეთის
ხარჯზე მოხდეს. ეს კი უწინარეს ყოვლისა
ამიერ-კავეასიის რესპუბლიკების დაზარალებას
მოასწავებს. ამიტომ დიდი ყურადღება გვმარ-
თებს, რომ ზოგიერთ ჩვენს პროვინციას ვანის და
არზრუმის ბედი არ ეწვიოს. სტამბოლელი ინგლისუ-

რი გაზეთის მოხაზრება (რომელიც ქართულ გაზე-
თებშიაც იყო გადმოღებული), რომ ბათომის პრო-
ვინცია ეთნოგრაფიულად არც რუსეთს ეკუთვნის და
არც კავკასიის რესპუბლიკებს, დიდათ ნიშანდობლი-
ვიც არის და დიდათ დამაფიქრებელიც. რასაკვირვე-
ლია, ინგლისის პოლიტიკურ ხელმძღვანელებს ისიც
კარგად ესმით, რომ ბათომის პირდაპირ ოსმალეთის-
თვის გადაცემა საქართველოს ძალაუნებურად საბჭო-
თა რუსეთს დაუახლოვდება ე. ი. ბოლოს სწორეთ
იმ საფრთხეს გააძლიერებდა, რომლის ასაცილებლად
დღეს ოსმალეთის გულის მოგებას ცდილობენ. ამი-
ტომ ამ საკითხის გადაჭრაში ანტანტის მხრივ თრ-
პირი მაკიაველისტური პოლიტიკა მოსალოდნელი.
ჩვენთვის კი ანტანტის და ოსმალეთის შეკავშირება
ბევრად უფრო საშიშია, ვიდრე ისლამში იოლშევიზმის
გავრცელება. ჩვენთვის უფრო ხელსაყრელია, რომ
ოსმალეთის შემტევი ენერგია სამხრეთით იყოს მი-
მართული და არა ჩრთილოეთით. ამას გარდა ცხა-
დია ისიც, რომ ევროპის იმპერიალისტებს იმდენათ
მაჰმადიანური ქვეყნების „კოოპერაცია“ არ ესაჭირო-
ებათ, რავდენათაც მათი ბაზრისა და ნედლის მასა-
ლის ექსპლოატაცია. ეკონომიური ექსპლოატაცია კი
აუცილებლად ამ ქვეყნების კულტურულ ჩამორჩენას
გულისხმობს. მინიმალურ ანგარიშით დღევანდელს
ევროპაში არის ზედმეტი ასი მილიონი სული,
რომლისთვისაც ევროპაში საკვები გარედან უნდა

შემოიტანოს. ეს არის ის მარტივი, ტლანქი ფაქტი,
რომელიც საფუძვლათ უდევს ურთულეს იმპერია-
ლისტურ სპეციულიაციას. მაგრამ თუ ნილოსის, მე-
სოპოტამიის და ანატოლიის ნაყოფიერი ველები ამ
შშიერი არმიის გაძლომას მოუნდა, წინა აზიელი ერე-
ბი კიდევ დიდხანს ხელვაწვდილ მათხოვრებათ დარ-
ჩებიან.

საქართველოს ინტერესი მოითხოვს რომ, წინა
აზია კულტურულათ ისევე აყვავდეს, როგორც მე-
ცამეტე საუკუნეებდე ყვაოდა. საქართველოს ინტე-
რესი მოითხოვს, რომ წინააზიელ ერებს შორის
ძველებური იდეური და კომერციული აღებ-მიცემია
აღდგეს თანასწორობის და ნამდვილ კოოპერაციის
ნიადაგზე. ამასვე ითხოვს რუსეთის და სომხეთ-აღერ-
ბეიჯანის ინტერესი.

ადერბეიჭანის რევოლუციის გამო.

ეგრეთ წოდებული საზავო კონფერენცია და-
სეირნობს ევროპაში, მან რავდენიმე სატახტო ქა-
ლაქი და კურორტი შემოვლო კიდეც, მაგრამ ნამ-
დვილი ზავი ჯერ არსად სჩანს. სტიქიონურმა ძალებმა
ისეთი გასაქანი იპოვეს, რომ მათი დამორჩილება არ
ძალუბს არა თუ ანტანტის სახელმწიფოების პრემიერ-
მინისტრებს, არამედ საზოგადოთ აღამიანის ნების-
ყოფასა და გონებას.

ბაქოში კომუნისტების შესვლას განუზომელი
მნიშვნელობა აქვს. ეს მოასწავებს დღემდე უკულ-
ტურო თურქული რასის გამოსვლას ისტორიულ
ასპარეზზე.

ჩვენ გვვინია რომ საქმე ამით არ დამთავრდება.
ნავთის ქალაქი ისეთ საშინელ ასაფეთქებელ რეზერ-
ვუარს შეიცავს, რომ მას შეუძლია შეანდრიოს მთე-
ლი შინა აზია. გაზეთებში ცნობა იყო კიდეც, რომ
აღერბეიჭანის საბჭოთა მთავრობა ყარაბახის გზით
ანატოლიისკენ ჯარის გაგზავნას აპირობს მუსტაფა
ქემალის მოსაშველებლად. ეს ცნობა ჯერ კიდევ
შემოწმებული არ არის, მაგრამ თავისთვად არაფერს
წარმოადგენს არაბუნებრივს ან დასაძრახისს. თუ ოს-
მალეთში მართლაც კომუნისტური ჯარი შევიდა,

შეიძლება იქაც ის მოხდეს, რაც ბაქოში მოხდა: კონსტანტინოპოლის ანგლოფილური ლიბერალური კაბინეტი დაემხოს და მისი ადგილი რევოლუციურმა და ოუსმალეთილურმა მთავრობამ დაიჭიროს.

დღეს ოსმალეთში არსებითად ორი მთავრობაა. ერთია ბრწყინვალე პორტა, რომელიც უსიტყვით ასრულებს ანტანტის ბრძანებას; მეორეა გენერალი მუსტაფა ქემალი, რომელმაც გადაყენებულად გამოაცხადა სულთანი და მისი მთავრობა. რავდენადაც ანატოლიის ნაციონალური ჯარი და მისი სარდალი უცხო კაპიტალისა და რეაქციური ბურჟუაზიის გავლენას ებრძვის, ის უდიდეს რევოლუციურ როლს ასრულებს ოსმალეთში. და თუ ამ ჯარმა გაიმარჯვა, ის დაამთავრებს ოსმალეთის პოლიტიკურ განახლებას, რაც ახალგაზრდა ოსმალთა რევოლუციამ დაიწყო, მაგრამ ბოლომდე ვერ მიიტანა.

არზრუმი ოსმალეთის თავრიზია, მუსტაფა ქემალ ფაშა ოსმალეთის სათარხანი. როგორც ამ ათიოდე წლის წინათ ბაქოდან ქართველი რევოლუციონერები სპარსეთის რევოლუციური ჯარის დასახმარებლად მიღიოდნენ, ისე დღეს იმავე ბაქოდან აღერბეიჯანელი რევოლუციონერები მდგიან ოსმალო ნაციონალური ჯარის დასახმარებლათ. დიდი უკულმართობა იქნებოდა, რომ საქართველომ ამას ხელი შეუშალოს. ეს იქნებოდა ქართული სიხლით ინგლისის საქმის კეთება. ქართველი ხალხი ყო-

ველთვის ინსტინქტიურად გრძნობდა, რომ მისი კე-
თილდღეობა და თავისუფლება დღეგრძელი არ იქ-
ნება, თუ მეზობელ ქვეყნებში რევოლუციამ არ გაი-
მარჯვა.

საქართველოს აღორძინება დაიწყება ან წინა
აზიასთან ერთად, ან სულ არ დაიწყება.

7. V. 1920.

შინაარსი

83.

პარლამენტარიზმი თუ საბჭოთა კონსტიტუცია?	5
აღმოსავლეთი თუ დასავლეთი?	14
ოსმალეთი და საქართველო	20
ადერბეიჯანის რევოლუციის გამო	28

32
f 561

ଓক্টো 10 ১৯৬.